

澣墅關志卷之十

寺觀

興國教寺在十一都黃埭吳赤烏四年郡人葉氏夢僧求一錐地遂捨宅建唐大中二年修宋紹興六年修元季燬明永樂

初重建 本朝康熙元年復修

府志

文殊寺在陽山東文殊巖下巖又名觀音長雲韋馱二峯在其後晉支道林初道林弟子嶼雲海禪師遺塔在其處寺後有

巨人跡寺中有香爐石高數丈明陳仁錫有記

采風類記舊志合纂明陳

仁錫觀音巖看月介公至風前忽自笑雲外若為期忽報山僧至山深知未知黃潛湘竹詩為文殊昱上人賦道人來自陽山麓手攜舊種千竿竹小裁方斛不盈咫中有瀟湘江一曲未信天工能爾奇不知地脈從誰縮晴空翛翛散煙霧眼

澣墅關志

卷之十

寺觀

一

底森森立羣玉豈期我乃累此君蒙犯風埃走塵俗故山方遠重愁絕新句未成慚迫促黃岡之產大中椽正用才美割其腹願言保此終天年歲暮山中伴幽獨巖激文殊寺贈介公值君飛錫處一語便成歡雲水諸根淨冰霜五戒寒雕龍技亦得驅虎法何難喜與常雲社雙眉敢自攢

澄照教寺在陽山東白鶴峯下先是唐會昌中丁氏施白馬澗

宅建白鶴寺後龍興寺僧智義募曹元祚祠堂基重建於此

吳越錢氏時有泉出於寺因改名仙泉宋祥符初賜今額有

別院曰白蓮禪院以池生千葉白蓮故名宋端拱初謝濤嘗

講學於院之西廡明年登第其子絳刻石為記

宋陳最澄照寺記佛宇之

興由來尚矣自竺乾入洛象教歸周琅函流貝葉之文寶塔秘玉毫之相莫不圖茲爽塏樹乃精藍苟非背山而面林左泉而右石則何以延大千之開士啟孤獨之名園是故鷲嶺雄標世尊因而說法雙林秀拔惠遠由是莫居蓋人境之兩

殊亦古今而一致蘇州郡城之西北三十五里曰陽山山之  
下寺曰澄照先是唐會昌中丁某施白馬澗宅爲白鶴寺後  
有龍興寺僧智義因遊其上縱目周覽嗟其年祀寢遠名額  
僅存榛莽摩除基址甚隘於是鴻臚卿左衛大將軍曹茂達  
六代孫元祚捨祠堂基以構寺不改舊額因而遷之始初茅  
茨數十間而已觀其岡巒環合巖谷洞研眞佛者之津梁乃  
道林之形勝靈泉啟其地人興厥謀決智力而有開獲神明之  
來又寺中有靈泉潛發莫窮其源決洩蓋自于神功疏鑿豈  
因于人力引山渠者千澗溉民田者百勝水旱不更其淺深  
遠邇必沾其潤利益國彭城威顯公嘗而異之因改曰仙泉  
我宋祥符初始賜今額乾德中義公既沒上足蘊明嗣而續  
之香火無廢道者蘊興亦義公弟子也勇猛精進出於常  
痛先志之未終發精心而善誘由是智者獻謨壯者効用經  
始勿亟舉而新之敞廣殿以安醉容飾華龕而度大藏厨有  
庫香積之供成僧有堂收雲之衆集晨昏是警鼓鐘于百尺  
之臺水陸致虔設會于五層之閣而又增置懺院法華院亭  
樹高揭房廊繚周眈然巍然不勝其壯觀矣開寶中太保韓  
公承德復捨梳洗樓爲塔院詳其始末敘厥廢興見徵蕪辭  
用紀貞珉時天禧五年十一月二十一日記范成大白蓮堂  
詩古木參天護碧池青錢弱葉戰漣漪恩游子恩恩去不

游野關志

卷之十

寺觀

二

見風清月冷時謝濤上寺主大師詩疊巘收雲拂眼明久依  
香社豁高情主人似秋池水一日看來一日清王禹偁遊  
白鶴峯宿仙泉寺祭廟回來略問禪蘇墻莎徑碧山前風疎  
遠馨秋開講水響盤車夜救田藍綬有香花菡萏竹窗無寐  
月嬋娟自慚政拙貽枯旱忍臥松陰漱石泉明楊貢天順戊  
寅仲春祭白龍登白鶴峯澄照琪上人閱經亭偶成因祭來  
澄照間登最上亭微微遠水白點點亂山青犬吠虎聞法池  
腥龍聽經老僧心性悟何日渡滄溟吳寬寄題陽山澄照寺  
令威稟仙骨化鶴去遼東傳聞有遺井乃在青山中山深草  
木盛苔徑誰能窮爰有釋氏子於此構蓮宮殿閣頗雄傑林  
杪見青紅高厓石色古小洞雲氣通神龍室其地上下雨兼  
風歲時郡長吏祈禱屢年豐我昔過麓落日明丹楓所恨  
足力弱徒然望龍從何時躡其巔歷覽無勿勿回頭長發歎  
深愧南飛鴻本朝凌壽祺澄照寺陽山多名藍茲寺實禪  
祖馬潤傳遺蹤厥後始徙宇白鶴符山名威有遺土仙泉  
無源至階下滃然吐池擁白蓮花寶相億萬數竭來空世情  
但覺深山古寺修篁中開軒松桂塢坐看几牖間白雲生  
縷縷謝公講學地在此西廡想見山氣清道心化陳腐早  
暮一聲鐘猛醒蘭馨我  
欲表宗風僧雛薦蘭馨我

白龍禪寺在陽山西龍母冢前卽古白龍祠也東晉隆安間建  
上有龍湫晉柏宋淳祐壬子運幹高彥博重建李起記明萬  
歷三十三年權使王之都禱雨感應建龍柏亭王穉登顧時  
記一名甘澍亭李鴻漸記一名靈雨亭伊應鏗記 本朝乾

隆二十六年巡撫陳宏謀重修繆曰圮記四十年巡撫薩載

重修龍母冢自爲記

宋李起重建陽山西白龍母廟記起讀  
論語至子不語怪力亂神爲之歎曰余

學夫子者也惡可不守是式觀陽山孕龍之祥前後感應之  
蹟深言之近於怪余則不敢然明則有禮樂幽則有鬼神事  
神事人其道一也今高氏祖塋相望舊冢不一里閒假若此  
有燕饗之堂彼無遊藏之所以此事人可乎故知郡奏院不  
倚乃興念撤舊爲新初祠宇于舊冢前甚盛舉也後以疾輟  
其役中間弟道州不儔嘗葺之運幹彥博自京來歸克紹乃  
考之志厥裁廣狹悉仍乎舊輸財捐粟殿宇宏麗以兩廡爲  
屋十餘間經始乎紹定庚寅落成乎淳祐壬子首尾二十有

游野關志

卷之十

寺觀

三

三載興廢蓋有數也一日運幹同叔弟來丐紀歲月余葬祖  
于高景考葬于白鶴與陽山爲聯屬得聞田夫野叟之詳義  
在鄉曲余何敢辭謹按龍母居陽山三峯下繆氏家女東晉  
隆安中出行龍塘忽有白衣老人求宿母始辭之老人屢懇  
不已母首肯倏失老人在還舍有妊父母惡之逐出丐食  
鄰里明年三月十八日在龍塚上生一肉塊弃水中塊破化  
爲龍母驚而殂尋有風雷雨電飛砂折木之異既霽見白龍  
昇騰而去衆乃厚葬其母太平興國間建廟于山南曹巷熙  
寧九年遷行祠於澄照東隅建炎間主僧覺明復一新之紹  
定壬辰庾使袁肅闡其祠宇劉漫塘作記然臺郡禱祈例往  
澄照而舊塚顛末漫弗及考今運幹不費公私之財自出己  
力厥後雨暘之祈秋冬之報向恐屋將壓焉今輪奐如此民  
喜而神亦喜矣運幹偕道州奉安村人皆曰旦有雲在山頂  
見龍神夭矯於其間豈其神喜於有所歸耶余紀其實因撰  
詞一章以侑明王穉登龍柏亭記陽山繆氏產龍事甚異然  
載之山經列之郡乘傳聞于故老之口實賦詠於名流之筆  
端皆鑿鑿乎非稽神志怪之言也今其塚隆然柏鬱然自隆  
安迄今有禱輒應俎豆鍾簾千秋不廢矣往者郡邑大夫憚  
干旌之遠涉也移其祀於澄照名東白龍而此云西白龍在  
東者衣冠之祭烝嘗不乏西則村翁伏臘而已今歲丁巳吳

中大旱入夏五旬不雨田皆龜坼河流如線桔槔聲徹夜相聞司農郎王君來董關政憫農家作苦慨然而歎曰我計曹也將邦賦是毘豈其赤地揚塵而望篝滿車滿哉國家將安賴焉乃以六月二十一日齋戒往禱觀茲柏之千霄則竦然而歎壽哉木乎微神物護持焉得至此可亭而仰也周視祠宇崩圯丹青剝落遂告於龍曰神如不惜馬鬣一滴以惠此下民余亦何靳升斗之祿以新爾廟禱罷至二十二日果得雨二十六日白龍現陽山巔明日雨盈寸又明日復雨七月朔雨沾足於是歡聲徧原隰莫不喜色相告曰此司農雨也公卽割俸首建一亭於晉柏之下署曰龍柏畚鍤與甘復降民益趨事不日告成鄉之田峻父老相率乞余言記諸石余憶少時遊陽山夜宿岳山人家天空無雲忽有綴炬於柏燦如懸星山人戒取石支扉索綯蓋屋客無恐龍歸省母也迨五更大風拔木雨隨降道上流泉可浮舟厥明臬臬日也山人言龍性至孝歲以季春三月歸墓及期不爽自隆安去今幾千載而龍與柏俱無恙豈不壽且靈哉然龍雖靈匪禱曷應匪誠曷禱而弗誠卽禱亦茫然耳夫天災流行旱魃爲虐蓋靡國不有暴疴移市之令迎龍大雨之典莫非有司之事於王人使者無責也司農公軫念民瘼惻焉興懷禱而誠誠而應應之不一而民病苗病農咸獲再蘇且也

游野關志

卷之十

寺觀

四

不難捐帑修廟以答神庥此其爲志豈區區守一官狗一職而已乎斯柏雖龍而久可爲公異日甘棠矣其他關政寬平不用一切檄檄湔滌弊垢左右洗手奉法莫敢操贏詘之柄千艘萬舶咸願出途請俟修關志者此皆不書公名之都字章爾新城人乙未進士顧時龍柏亭記夫吳爲東南重地田賦甲天下民之食地力者亦殫效於他郡賴三時之耕以瞻一歲之需百穀之所仰而生成者雨澤也可乏絕哉萬歷乙巳夏六月豐隆屏跡萍翳潛蹤零陵之石不飛天河之稀莫浴不雨者踰月則山泉竭川澤涸金欲流石爲鑠赤鹵千里望之若燭民皆疾首蹙頞悲啼載道莫可誰何濟南王公奉天子命權關稅駐吳目擊時災乃曰東南財賦所出國用賴以足無禾則無食何以立生民之命迺徵且百萬生靈嗷嗷待哺無禾則無食何以立生民之命迺徵且百萬生靈嗷嗷待望以及龍母祠夫龍母始自東晉歷朝崇祀歲旱則禱於羣輒應者有之禱而猶然者有之顧禱者之碩德何如耳精誠何如耳如其碩德是以合於神明精誠足以格乎上下雨即隨之矣王使君禱於六月甲子丙寅遂兩己巳白龍橫亘陽山之巔者彌時庚午復雨壬申又雨七月一日癸酉霈雨祁甘霖遍三吳矣不必鞭洞中之石忤淵底之龜爲也而枯槁之苗勃然而蘇下民欣欣始有樂生之心向日之悲啼皆

轉而爲今日之歡歌矣莫不頌使君之仁而且欽其碩德之宏敷精神之昭著也於是田悉有秋上得以輸國家之租下得以全生民之命使君其大有造於吳哉使君乃不自德而歸於龍神捐俸建亭以顯神功之溥濟亭成而命之曰龍柏蓋以祠有古柏世傳白龍上下必於是垂不朽故此特識其禱雨使君之德乃述其事而勒之貞珉以垂不朽此特識其禱雨之一事耳至於權政寬平征科之仁恕量貢以爲賦惠商以足國又更僕未易數者胡能揚摧其休使君姓王氏名之都

本朝繆曰圯重修陽山西白龍寺記出郡城北郭山門外折而西道三十里爲萬安山以背陰而面陽故亦名陽山山之

東西麓並有寺俗皆以白龍名居而寺者向有僧字經營走募構造僧舍若干楹寺之其所由者前記東晉義熙時里婦產龍卒葬于嶺之西前有龍湫歲旱鄉人禱雨輒應宋紹興間有司以開詔於廟祀賜號顯應此寺由始也故明萬歷中僧萬緣月坡置山爲樵置地以耕而入本朝僧智仙又爲殿宇壇儀像規模未極惜馬而逝迨乎歲久僧徒寥落殿宇傾圯危將廢乎於乾隆庚辰有僧耀乾具詞有司侯久未行適於辛巳炎夏亢旱無滴田禾枯槁民共惶惶其時撫憲陳同本城州縣禱於此寺日滂沱秋後豐登可謂山之靈也神之應也蒙撫憲陳感神之應即捐俸重修殿堂廊廡金容

游野關志

卷之十

寺觀

五

儀像煥然一新時僧耀乾謁余求記以爲永祀徵之所由今復得二人踵而成之飾所未具矯矯焉其善繼前志者哉余按周官大宗伯以禋燎祀飗師雨師而漢制以己丑日祀雨師於北地古者大雩之祭自山川名源淵澤井泉凡有益於民者莫不嚴恭將事爲民請命之意無弗至也顯應之有祀也由斯意也蓋廟也而寺因之而自林宮梵宇紺碧日輝大雄如來之教行而顯應之祀間廢惟其像有耳蓋寺也而廟因之矣夫祭有其舉莫敢廢焉神之憑依是廟代遠而有赫矣鄉人早暵必請孰知其顧藉寺以垂耶寺之盛祀之所由寄也且佛氏無上至聖神之靈應莫不相倚也蓋擁衛般若臺獅子座而爲護法善神則非余所及知已薩載龍母神道碑記古者聖王先成民而後致民爲神然民爲神主民仗神依一切旱乾水溢必禱於神以爲民請命故凡能禦大災能捍大患均得祀焉蘇城西北有萬安山即俗呼爲陽山山之麓有龍母冢冢前有寺名曰白龍寺相傳東晉隆安中繆氏女戚神異而孕產後化龍而昇母遂絕葬於此凡遇歲旱祈禱即應宋紹興己卯奏賜神號前明郡守孟復重葺吳尚書寬作文記之迨我皇御極之己卯壬午兩歲夏苦不雨田苗將槁是時大中丞陳公雨次步禱於廟均得雨澤因將廟就新里人尚書沈文愨公作文誌其事此皆仰尊

神之庇佑歷載諸乘誌者也今年夏蘇郡亢旱農民望雨情殷余撫斯土心甚憂之迺率屬步禱于神而屢祈屢應輒得甘霖大地之功協川瀆之神妙也惟是神靈抑何響之應斯固以參天地之傾圮非惟殿宇之剝落堪虞且恐世湮年遠左右牆垣久經傾圮非惟殿宇之剝落堪虞且恐世湮年遠左右有地居民妄聽無識堪輿惑貪圖風水混肆侵佔而墓碑未立亦非所以昭示來茲竊思民間一壟之墳尙禁樵採况乎神明赫奕庇佑生靈何獨無以保護之爰飭有司就其舊址頽垣爨石爲牆以清墓界立碑褐建石坊以表神墓并金容璀璨梁棟增輝庶以妥侑尊神而永庇乎人民事成率同蘇州布政司增福按察司龍承祖蘇巡糧道朱奎揚蘇州府知府孔傳炯長洲縣知縣姚其旋原署長洲縣現任婁縣知縣張履觀元和縣知縣紀澄中吳縣知縣楊宜崙等備具牲醴報以馨香自茲後民無水旱年穀順成神之呵護於斯土者正是無窮是不可不勒諸貞石以垂示來茲者咸尊祀之勿替云明施衡司徒王公禱雨應喜而漫賦矯陽丁六月獻

游野關志

卷之十

寺觀

六

日心絲絲如散粟點點若遺金欲撰蘇公記名亭誌喜深民社非君寄愁聞雲漢歌焚巫驅旱魃鞭石轉陽和蔚蒼須臾布淒祁入夜沱油油千萬頃總是使君禾周南老白龍廟陽山第三峯雲深神所棲下有白龍冢上有靈母祠昔傳民家女育龍此山陞龍化猶知有母思岳岱龍母祠石瀨濺濺山無愆期繫靈神變化猶知有母思岳岱龍母祠石瀨濺濺山木蒼五湖祠廟接瀟湘靈衣珠佩無消息桂棟蘭櫺有夕陽白酒土人來禱早絳幃玉女對焚香季春歲歲龍歸異千古風雲近草堂王樞登松塢石森森秋風萬壑陰泉清塵客耳花照定僧心龍去野祠破鳥啼山竹深蒼生飢渴甚朝夕望爲霖本朝韓洽龍母祠歌龍雖靈鱗甲之物非人形何爲人母產龍子或言子產母即死或云龍去母尙存敝衣勺食行荒材鄉大惡之父母擯龍子思親來省覲龍人母懷母乃驚母翻因此喪厥生豈非人龍木殊類母亦不能通子意子愛母兮母不知母既逝兮子乃悲龍一怒忽然地爲深池役風霆走蛟不知母既逝兮子乃悲龍一怒忽然地爲深池闕朱宮奉母居龍子龍孫盡歡喜神奇棍忽子可推惟見羊山塢裏巍然祠祠前一古柏滑澤無皺皮龍來目如炬蜿蜒柏上如藤垂前此數十年父老猶見之世間萬事無不有所以史策傳信兼傳疑但願神龍有神禱輒應五風十雨無愆

期高原下隰多稼穡受龍之施報母德子母千年長血食徐  
壩經陽山白龍廟龍井絕壁滄然一井開白龍蟠處盡蒼苔  
光寒只恐朝飛去影靜猶疑夜臥來雨過空山驚鬼怪雲從  
幽壑動風雷亦知有母常靈異祠廟年年展拜迴徐昂發龍  
母祠彷彿明神降鱗鱗小殿中湘娥裁玉佩月姊織香蔥壁  
吼青雨旗翻赤鯉風山農喧鼓笛酒酬幽宮又自岳園  
過西白龍寺遇雨山午鬧鳴鳩敲門下竹兜溪迴還入寺雲  
出便沉樓楮老生黃菌松高結翠球回看樵徑滅疎雨暝如  
秋凌壽祺陽山白龍祠洪範曰肅時雨若春秋旱嘆大雩作  
茲祠吳中祈禱久時有靈旗光艷爚君不見近日桂林陳相  
公履躋未到雨彌空至今列祠報功德千秋香火龍神同吳  
鎡白龍寺聽松堂古冢巍然峙巒光失遠村劈空開箭闕直  
上剡雲根綠印尋山屐香霏過客樽來歸逢薄暮月影下柴  
門  
附鄭弑贈劉尊師住陽山山房霏霏玉屑寡寒溫從問金丹  
便不言晨嚼水精留野客夜呼山鬼掩柴門飯鈔鍾乳三千  
兩書乞蟠桃一百根莫見白龍輕出叱萍浮水上  
喻乾坤自註山房地近白龍塢故用羅公遠事

迎湖教寺在六都晉永寧閒建

游墅關志

卷之十 寺觀

昭明教寺在陽山西錦峯相傳為梁昭明太子統所建或謂山

產文石故名唐會昌中廢宋嘉泰中重建理宗書賜鄭起潛

錦峯二字藏寺中元至元閒修虞集記明洪武初為叢林寺

本朝李果遊錦峯山昭明寺記昭明寺在陽山西面錦峯  
山之麓山產文石梁昭明太子蕭統曾居此後構寺因以名  
也星數椽周以竹木背有碧螺池水云云可鑑雖大旱不竭  
乾隆戊午十月廿又五日予與俞吉士諸君以事至山中土  
人有言其境者過焉東則陽山王宴嶺西則彭山崦西北則  
東渚金墅南為篁村竹塢隔數里而游墅當其北陽山本秦  
餘山亦名四飛山岡巒四而勢飛動田疇棊布山高木落望  
之若在戶牖閒子於此有感焉昭明皇子寢食文史所撰  
文選為選家瞽宗臺城之禍海桑幾遷矣而於此獨不漸滅  
以信勢位有時而盡惟文章可以不朽於今人猶有過之  
者非地以人重歟長老為予指殘碑載唐會昌中沙汰沙門  
隱其地宋理宗有賜尚書鄭起潛錦峯二字藏寺中元至治  
某年重修而繼此興修者又不知凡幾矣文選樓舊址在揚  
州東門城下往予客江都數至之而此寺亦昭明所居豈文

人愛山水奇勝棲遲託跡有不盡出于後人之附會者耶  
竊幸無意中得此地又恨不與吉士輩俱遊也爲記之

蓮華教寺在金墅一名青蓮寺唐神龍二年居民劉氏井中生

青蓮花因捨宅建府志寺前有琵琶橋以指爪爬石作琵琶聲

故名又有九龍樹相傳爲唐時物

甌山教寺在甌山之麓五代時僧德清建有無梁殿宋皇祐五

年賜建大殿府志

草庵在陽山今不可考

長洲縣志藝文宋王禹偁贈陽山草庵  
禪師陽山山下草庵深寂寂香燈對遠

岑莫怪相看總無語  
坐禪爲政一般心

寧邦寺在陽山之陰相傳宋紹興十三年韓世忠部將戰還薙

髮隱此學禪賜額寧邦禪院嘉熙元年燬淳祐三年重葺元

游墅關志

卷之十 寺觀

八

未燬明永樂閒復建奏爲寺萬歷閒修

廣福庵今稱龍華寺龍華蓋古號也關北龍華橋漁莊庵橋俱

以寺得名在八都九畝宋寶慶閒素定禪師如素建明永樂

五年火景泰閒僧文昇重建萬歷初權部楊佩訓修自爲記

本朝康熙初僧秉谷恢復故址大加修葺乾隆閒僧恂如重修

增建中有仰

宸樓爲權使祝

聖習儀之所又有親王書及尚書彭啟豐所作碑記道光七

年僧祥麟募捐重修

彭啟豐重修古龍華寺記游墅距城西  
三十里墅有龍華寺建自宋代卽志所

稱廣福庵是也明景泰閒於庵之右設游關人居比櫛侵庵  
隙地嘉靖閒司關者戶部主事方鵬始修大殿建樓閣樹范

文正公書院復庵之弃地 國朝康熙二十三年  
 聖祖南巡駐蹕關左寺有僧名超揆者通翰墨進梅花百詠遂  
 邀賞資嗣後 皇太子給帑重修 裕親王始賜寺額  
 超揆應 召入都侍從 暢春園應制作詩往往稱  
 旨圓寂後 賜諡文覺龍華之宗風大振矣雍正十二年大  
 殿傾圮監院培初募金葺理迨乾隆三年白龍塢師韶卓錫  
 於寺遷閣大殿後稱萬壽寶閣法事再振已而師韶歸鄧尉  
 初亦歿不無寥落之感至三十二年春正月諸檀越延鄧尉  
 山恂如師來主講席至之日衆大歡喜謂可繼文覺而興也  
 越明年師發願力募建地藏寶殿裝塑佛像以及栖客之廬  
 齋庖之房鑄鼓螺鐘磬之編罔不咸具壞者修之隳者舉  
 之煥然氣象一新時 怡親王又書十行同圓扁額以賜之  
 工既訖屬予爲之序予思夫佛法之在今時象教也釋迦佛  
 正法住世百年象法一千年如來化去諸弟子思慕無已刻  
 木爲佛以象教人使諸衆生不離色身而見法身洋洋乎如  
 在其上如在其左右所謂微之顯誠之不可揜也若象之不  
 顯何以爲教然則莊嚴佛土承事法王其爲功德固未可量  
 爰書其顛末記於石俾後之人有所考焉 宋曰望龍華晚鐘  
 詩 依約寒山夜半聲龍華蕭寺晚鐘鳴粥魚初靜月初上木  
 葉漸疎風漸清響落諸天空萬慮敲殘塵夢憶三生蒲團禪  
 板前身事認取靈光一點明 張詒龍華寺詩爲尋佛子過膠  
 谿村北村南信杖藜其指叢林餘寶慶一灣秋水映牟尼管  
 仙丹竈渺雲煙丁令家山半野田難得藐庵依古佛堯峯銘  
 塔兄千年 宋元樞龍華寺詩 修到三生住此山道人跡喜  
 清閒我居城市塵囂近要借逃禪共閉關共說僧家苦行拌  
 空門供養劇清寒那知松菌蘭花筍獨占此間判食單 李銳  
 過龍華寺詩 地據通津境自間名 何必羨深山漁莊東畔  
 庵橋右幾樹垂楊水一灣漁火江楓句共推寒山古寺水雲  
 隈此間鐘韻清堪比應有題詩張繼來 陸吟訪龍華寺僧禪  
 房蕭寂薛蘿深那許凡塵 點侵我欲逍遙依白社蒲龕松  
 火其間吟 凌壽祺龍華寺竹枝詞 龍華古寺鬱崔嵬廣福名  
 從寶慶來琳宇珠宮耀金碧香花深鎖水雲隈 祗樹庭空老  
 樹撐芳春平仲半天榮離離鴨腳垂陰處那記風霜幾度更  
 慶釐朝正集冠紳百尺高樓說仰 宸時有慈雲護金闕曾  
 傳日下墨華新除夕更殘天未明門前早有踏春行縛罷金  
 剛數羅漢喧喧兒女管弦聲小元妙觀賣春牛五日年頭農  
 隙偷施捨莫嫌儂獨少空王好佑歲豐收禮佛然燈說目  
 蓮年年七月梵王前盂蘭爭與香花會都是漚 績繆錢

淨明寺相傳建於梁在陽山馬王嶺下後有眞假山最爲奇勝

游野關志

卷之十

寺觀

九

明岳岱淨明寺石磴盤迴繞上方傍岳臺殿倚蒼蒼階前銀杏充僧供爐底松花當佛香高嶺星河常信宿下山花竹又斜陽卻緣婚嫁皈依晚未得辭家禮法王

觀音庵在八都宋寶慶閒僧善應建明里人遂昌知縣施霖有

記石刻庭壁

舊志

奉先庵在二都宋慶歷閒僧本一建

鳳祥庵在錦峯昭明寺後宋咸淳元年僧椿壽建

寄心庵在陽山南宋初元末圯明萬歷閒僧啟南重建崇禎閒

僧靜居增修庵有圖釋聞性筆長洲令李實題其端云眞阿

練若吳令吳夢白進士陳震生跋其後藏之庵爲世守焉釋

智旭記文從簡書

舊志參縣志

游墅關志

卷之十

寺觀

十

文殊庵在二都元至正中僧法海建

大慈寺在陽山西元大德二年建明洪武初歸併光福寺內

府志

本朝徐昂發過大慈寺紫袷霽微露斜穿石徑中谿迴花不盡峯斷澗遙通茶竈家家火山鵲葉葉風支公留舊隱撥

路款茆蓬

尊相寺在陽山之陰莫知所始元季燬明洪武初歸併光福寺

永樂二年重建今廢惟寺前八角井香花橋石尙存

景福庵在陽山耙石嶺下元大德閒僧道宏建今爲蘭風塔院

舊志

歸源寺在長蕩東元至元閒里人曹氏爲虎邱寺僧建其子曹

聚完之明洪武初歸併雲巖寺

正信庵在陽山西元至正間僧性用建

妙淨寺在陽山

縣志元陳深登陽山妙淨寺野寺雖牢落山僧亦自如幽栖鄰虎穴靈跡近龍居地勝軒楹古城郭把酒一歛獻

天寒早木疎憑高望  
城郭把酒一歛獻

雲泉庵在大石以庵下泉得名庵下有泉二泓一為雲泉水自

石上瀉納小池最為清幽有拜石軒毛竹磴招隱橋宜晚屏

玉塵澗青松宅楊梅岡款雲亭諸勝亭一名望湖又有凝霞

樓石井石龍

賈姬水集采風類記合纂明李應楨吳寬張淵史鑑成化甲戌十二月游陽山雲泉庵觀大石

聯句巖巖者大石奇觀人所誦遐想十載餘初遊四人共舍舟始登陸杖策不待鞞是時日當夕茲山氣逾滃八門信突兀拾級駭空洞落星何破碎靈鷲宜伯仲仰觀神欲飛俯瞰心屢恐鱗皴苔蘚剝骨立冰雪凍神驅道攝呵鬼劈文錯綜尊嚴凜君臨張拱儼寶送環列盡兒孫擁護等僕從欲假愚公移諒匪雍伯種臥鼓慨桴亡對白怯杵重猊吻吁未收龍

游野關志

卷之十

寺觀

十一

鬣怒難控凝血疑痛鞭立肺詎寬訟上漏還啟窗中通自成術大惟補天功小可砥肌用分矢肅慎來浮磬泗濱貢廉利並攢劔兀臬側倚甕嶂山辱羸秦良岳遺汴宋截彼民具瞻壯哉客難奉落照紅抹楮歸雲白流永僧講點頭鷹將射沒羽中塵緣契三生陣圖懷九縱在懸太師擊攻玉詩人諷仙煮充腹飢俗撐免腰痛瑤琨雜維揚琅玕出乃雍高題少室名怪作東坡供半空見蝙蝠千仞附青鳳栖禪百餘年問僧僅三衆憑虛圍曲闌架壑出飛棟竹幽補堂坳樹古嵌厓縫竇黑炊煙熏坎平鍾乳壅盤盤棧道危瀾瀾水泉動登頓足力疲眺望眼界空松露髮欲濡潭月手可夫窮攀任生鞞醉吟微帶顛列坐對彎跼大呼應鎗碯嗜癖牛李愚詩戰鄒魯關拜奇得顛名憂墮成噩夢試與叩山靈倘售捐薄俸楊循吉雲泉庵大石和聯句韻偉哉此陽山有石俟歌誦形將冰塊截勢與蓮花共仰觀一何高登涉不可鞞鳥飛必迴翔雲出自騰滃孤圓外成橋空朗中含洞瘦如辟穀良清若食虬仲深思殆天設乍至令人恐濃蘿作垂陰寒泉滴為凍戴庵亦顛危攜觴更交綜耳脇或駢攢勤拳時獨送巍巍上少並森森下多從荒厓始誰開倒樹諒非種在茲三吳間當以九鼎重崇崑借冠冕卑巒聽提控勞呼猿固匿被壓松堪訟曲躬始得門側身還八術拂苔劣容眠收乳兼資用志猶記秦

殘碑供吟弄詩服匏翁界詠效洛生龔輕傳比竹譜狂作投	端可受李射儼欲動棊枰劇凸佛龕鑿嵌空青鋸足餽糧	棟擘確伴天頑窳豁倚厓縫仙蛻鳥翮披泥深鯨鬣壅米拜	膝臥鐵鳳堅瘦霜雪鬢蹠踈股衆掃苔據兩弓枯僧結雙	夸蛾負山厓朔雍誰向勾吳偏壘此怪石供礪角來野牛折	目眈歛改眎肩聳但孤諷循玩日屢移刻畫語未痛上古聞	燦生汞深坳芥舟漾淺罅戟牙中袖嗤東海窄陣駭常山縱	秦後卻鵝過宋授書偃蹇來機婭姪奉日炙焦流金砂伏	鶻爲落成山秣亦效貢壞形簇簪髻側睨欹瓴甕前飛雉霸	狙訟騰虹矗石梁劈壤碧幽術奔雷鬼斧鳴凝血神鞭用帝	鼻鳳鼈冠重頽如龍割耳踔若馬脫控仰似靈鼈浮聚似羣	河鼓槌鬻鬻土伯從元雲壘千堵妖罔鎖百種豁舒坤軸陷	凍石理紛鱗皴龜兆等錯綜女媧施手時巨靈擁幢送齧齧	嶠班伯仲鬪狀突相攬落勢奔可恐其陽芝菌殖其陰窠竇	撐立霧腳鬱蒸滃何年鼓鑪鞴造物開鴻洞乘隙拱兒孫岑	芒鞵獨來游赤藤還復共風吹輕翼肘意行捷飛鞞山骨岬	山雲泉庵大石迫和明人聯句韻吾州卑猶山大石萬口誦	光似鏡幽籟響如笙到此渾忘返塵緣頓覺輕徐昂發觀陽	石雲泉奇勝處大石最知名風磴迴青漢霞標擬赤城平湖	嶮有佳趣白雲常自留解伴幽人住本朝唐瑀雲泉庵大	滄被岡岑高林五月雨珍果落山禽歎雲亭古亭構厓巔爽	目常飛霰龍鱗千尺强巢鶴今應遍楊梅岡南城有嘉樹葳	瀾周茅宇洗耳思枕流不惜捐談塵青松宅青松覆屋冷晴	與匡廬同曳策一矚目嵐光夕照中玉塵澗碧澗疏以鑿瀾	桂自成樓當年橋柱上卻笑長卿題宜晚屏屏風高九疊宛	衢益幽邃登頓不知疲迤邐上空翠招隱橋石梁跨流水巖	復秉貞介開軒面巨石聊學南宮拜毛竹磴修篁夾丹梯雲	坐久摘果供焚香黃姬永大石八景拜石軒平生許椽情況	午厓猶未日秋洞不凋芳芝磴霞沾屐林樓翠惹鶻曠寥僧	栖其奈懷微俸黃省曾大石山寺學鳳飛巒峻如龍偃岫長	獅馴已賓阜獰敢興閑久嗟隔勝賞頻勞落清夢卽欲營幽	堪弄林深必賴燭嵐酷能作鬻星光猶立芒龍吟殊叶碛嶺	羽撼爭得動栽培稀尺間構架靡寸空炎伏涼自生清秋月	蔓穿竅長蛇舌撩縫輕盈受指彈玲瓏脫泥壅芾拜本無忝	鳳是知隆拔羣所貴秀合衆偷餘殿容棖就隙亭閣棟枯籬	華謬推雍懸磬風發明香爐煙結供曝沙伏靈龜食岡停遠	厭看極口難竭諷鬼鑿手須駢鯨負背應痛東岱徒小魯西	四方傳不誣諸公評切中臨谷足還酸乘巔目偏縱支頤詎	晦唐宋一爲佛者居永作游人奉病宜謚著史寐稱搏養永	餘材曷遺禹貢立久氣濕袍嘯高聲答瓮論年越殷周言時
-------------------------	------------------------	-------------------------	------------------------	-------------------------	-------------------------	-------------------------	------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------	-------------------------

滄野關志

卷之十

寺觀

奇磴焚焚塵網間擾擾蠻觸闕微尙寄巖壑盪胸展雲夢卻  
笑牛李癡黃金擲高俸曹棟望湖亭捫蘿濕翠流亭畔快哉  
遊湖外來雙鶴仙人挾彩舟凌壽祺雲泉庵一罇龍涎瀆涓  
涓不少停精廬高架壁峭石大開屏筍作東坡饌茶飆陸羽  
經陽山此最好  
濃似佛頭青

半山寺在澄照寺東一名源隱庵明宣德間僧信缺建

雲路庵在陽山僧海澄志欲建庵有金像浮溪來至庵而止見  
者駭異迎而禮之善姓邱莊協力經營遂得落成相傳此庵  
甚大迤邐十數里滸墅鎮中津橋雲路坊本其山門遺蹟明  
權部李佺臺規以爲塾宮坊路者也顧似此巨剎而志乘闕  
如恐仍附會云

積慶庵爲文殊子院在恩山上

滸墅關志

卷之十

寺觀

十三

賀九嶺寺在陽山南明正統二年僧立傳建萬歷間太監孫隆

重修縣志嶺有天養人三大字有泉最清冽泉畔有石盤盤有

石魚二相傳得水能動昔有人於黎明時鑿取其一適眞武  
殿僧出見不及再取遂毀其首而去至今尙存

地藏庵在小華山僧一心建文震孟記舊志

觀音庵在金巷橋

古施茶庵在茶亭街口

香象庵爲虎邱佛慧庵下院明諸生朱潤璫捐資重新僧人奉  
爲庵主在二都十九畝青石橋

藥師庵在八都二十畝興賢橋南中有明崇禎十六年權使袁

寰中德政碑爲鎮紳周之瑛撰 本朝乾隆間僧人募捐重建落成發瓊花遠近異之

三官堂在八都十二畝故爲義倉基明萬歷丁未改羈候舖次年廢爲梵宮

三元閣俗稱南三官堂在巡司署南首僧人持住康熙四十四年重建張大受記

華嚴庵爲元墓下庵在八都十畝四湖口有湯道人念自無錫抵蘇百里行腳無食宿處傾貲倡建叢林不數年遂成巨刹里人朱良輔助成之僧人設木主奉香火乾隆間里人陳元

杰倡捐重建大殿

以上游墅舊聞

游墅關志

卷之十

寺觀

十四

觀音庵在白豸山麓千步涇上康熙間有顧神童五歲書千步涇額懸楹間乾隆間住持老僧募重建張徵君詒爲製序并作入座青山來白鷹到門綠水瀉黃泥聯句及千步涇清額字贈之千步涇一名黃泥港

吳鎧庵記

獅吼禪院在齋僧街口

接待院在望亭雪浪宏恩建

宏恩望亭飯僧作借得人家隙地中藏幾樹梅花旋構數間茅屋欲

談一卷楞伽隔岸長松疎柳雙溪一片湖光夜聽漁舟共語風吹菱芡時香屋後一灣流水門前幾點青山雲去月來橋上鳥啼花落林間添得一條略約如從畫裏行來卽此草庵亦可何須百尺樓臺

永泰庵祀泰山元妃在八都二十畝後改把總駐防營署今亦

廢舊志

松隱庵在陽山西康熙二年僧上慧建

縣志

問心庵在伏象山

梵音庵在八都莫家巷俗稱莫家觀音堂有鄒植行碑記李清傑書

白坊庵在八都白坊村

觀音庵在九家浜內俗名雨麥觀音堂

余村庵在二都十八畝余村

廣福禪院在太平港嘉慶十八年建

大悲庵在鎮北金龍四大王廟右

觀音閣在趙王涇口崇福橋堍今其下爲查稅處

游墅關志

卷之十

寺觀

十五

龍涎嘴普渡庵在八都觀音庵西不知所始相傳爲陳明經之楷家香火院久頽廢嘉慶十年間里中善姓重建募僧人居之

崇福庵在二都六畝崇福橋南橋卽以庵得名此庵爲眞武行宮後有玉皇閣

東茶庵在金墅蓮華寺西

西蓮庵在金墅近太湖

紫竹禪院在青石橋俗稱活觀音堂

文昌閣在興賢橋南明萬歷間里中士人張宏德宏謨宏祚兄弟以游墅河水直瀉人文不盛捐貲巨萬開放生河以紓水

勢取土築基建閣於上以奉文昌興賢橋亦其所建而名也  
權關主事張大猷捐俸錢千緡助之 本朝康熙二十二年  
廩生黃袞棄儒學道於此權使禮部員外郎黃懋爲重建顏  
曰太微律院彭定求爲記後道士霖谷修乾隆五十三年巡  
撫閔鶚元權關織造四德首捐廉俸重建鶚元爲記道士徐  
來鴻實募之徵君張詒爲題額并記嘉慶十年道士黃復成  
募重建靜室櫺刊黃袞碑像袞裔孫諸生黃不起記

宋天成  
同呂旭

升文昌閣登眺憑高舒望眼落日滿秋山白草荒原外青松  
古寺間鷗輕狎浪去鳥倦逐雲還此際諧歡笑爲君一破顏

養真道院在郡廟側

靜真道院在管山東嶽廟側

滸墅關志

卷之十

寺觀

十六

來鶴院在管山道光六年權使延隆捐貲倡修增建

呂祖閣遵 例致祭權使捐給祭費并月給經費永爲例延隆

爲記先是乾隆四十八年道士王一誠全來鶴董事置長洲

縣二都十一畝伐字圩官田十一畝零又基地柴山六畝零

供來鶴院常住用一誠爲記勒石以垂後

關帝祠在陽山大石文昌閣下院也康熙二十一年知府陳常

夏爲黃袞卽介石書院廢基建爲靜室中有言子祠

元侗送  
黃虛堂

先生入大石山青谿一道士獨住翠微中地僻塵埃絕天高  
呼吸通絃歌文學里香火法王宮更上盤陀坐人稱黃石公  
陽山有大石空谷足音稀一老能扶杖千年欲振衣  
仙砦行奕去龍洞采芝歸何日同招隱孤雲向北飛

蜜蜂道院在陽山馬王嶺北

澁野關志卷之十終

澁野關志

卷之十

寺觀

十七

許墅關志卷之十

寺觀補遺

集慶庵在金芝嶺誠意伯劉基所鑿井上先是山無水不能居僧至此始得甘泉嶺上之亭相傳爲公輸子所建殆近附會云

觀音庵在陽山白龍塢山人岳岱結隱處明末爲僧舍

法林庵在陽山西地近金墅明末僧明航始居之至國初航

弟子普淨淨弟子通瑩始益大之前孝廉澗上徐枋爲作募造大悲像及製莊嚴序

斗姆閣在黃埭十一都四畝

許墅關志

卷之十

寺觀補遺

一

慈來庵在大石下言田巷

禮拜時在城隍廟南明萬曆四十一年主事馬之駿建本朝

順治八年重葺

以上類記  
舊合參